

**ხელშეკრულება № 29**  
(72417000 - დომენური სახელები)

ქ. თბილისი

8 აპრილი, 2016 წელი

ერთის მხრივ შპს „საქართველოს ლატარიის კომპანია“, (იურიდიული მისამართი: ქ. თბილისი, ჭავჭავაძის გამზ. #34) მისი გენერალური დირექტორის ლევან ჩიკვაძის სახით, (შემდგომში ხელშეკრულების ტექსტში შემსყიდველად წოდებული)

და მეორეს მხრივ, შპს „კავკასუს ონლაინი“ (იურიდიული მისამართი: ქ. თბილისი, ვაჟა-ფშაველას გამზ. #71) .GE დირექტორის მინდობილი პირის ლიანა მუსერიძის სახით, (შემდგომში ხელშეკრულების ტექსტში შემსრულებლად წოდებული) ვმოქმედებთ რა თითოეული ორგანიზაციის წესდებით მინიჭებული უფლებამოსილებისა და „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე ვდებთ ამ ხელშეკრულებას და ვთანხმდებით შემდეგზე:

**მუხლი 1. ხელშეკრულების საგანი**

**lataria.ge; onlinelottery.ge; 636.ge** დომენური სახელების შემსყიდველისთვის წინამდებარე ხელშეკრულების პირობებისა და „GE დომენის რეგისტრაციის წესებისა და პირობების“ (როგორც ეს გამოქვეყნებულია საიტზე [www.nic.net.ge](http://www.nic.net.ge)) შესაბამისად, წინამდებარე ხელშეკრულების მოქმედების ვადით დროებით სარგებლობაში გადაცემა.

**მუხლი 2. ხელშეკრულების მოქმედების პერიოდი და ძალაში შესვლის პირობები**

- 2.1. წინამდებარე ხელშეკრულების მოქმედების პერიოდი განისაზღვრება 2016 წლის 17 აპრილიდან 2017 წლის 17 აპრილის ჩათვლით.
- 2.2. ხელშეკრულება ძალაში შედის მხარეების მიერ მისი ხელმოწერის დღიდან და მოქმედებს 2017 წლის 17 მაისამდე.

**მუხლი 3. მომსახურების აღწერა**

- 3.1. მიმწოდებელი უზრუნველყოფს შემსყიდველს მომსახურებით რომელიც გულისხმობს შემდეგს: ახორციელებს ინტერნეტის საერთაშორისო ქსელში დომენის რეგისტრაციას / რეგისტრაციის გაგრძელებას შემდეგი სახელით: **“lataria.ge; onlinelottery.ge; 636.ge”** და უზრუნველყოფს მის აქტიურობას.

**მუხლი 4. მომსახურების ღირებულება და გადახდის წესი**

- 4.1. ხელშეკრულების ჯამური ღირებულებაა 90 (ოთხმოცდაათი) ლარი, საქართველოს კანონმდებლობით გათვალისწინებული გადასახადების, მათ შორის დღგ-ს ჩათვლით, რომელიც შემსყიდველის მიერ გადახდილ იქნება მომსახურების გაწევის შემდგომ, მხარეთა შორის გაფორმებული მიღება-ჩაბარების აქტისა და მიმწოდებლის მიერ წარმოდგენილი საგადასახადო ანგარიშგაქტურის საფუძველზე.
- 4.2. შემსყიდველმა მომსახურების ღირებულება უნდა გადაიხადოს უნაღდო ანგარიშსწორების (გადარიცხვის) ფორმით, შემდეგ საბანკო რეკვიზიტებზე:  
შპს "კავკასუს ონლაინი", საიდენტიფიკაციო კოდი: 211380833, სს "თბილისი ბანკი"  
ა/აGE59TB0600000100467052, ბანკის კოდი: TBCBGE22.
- 4.3. შემსყიდველიდ მხრიდან მიღება-ჩაბარების აქტზე ხელმოწერ პირს წარმოადგენს შპს „საქართველოს ლატარიის კომპანის“ ციფრული მარკეტინგის მენეჯერი - აკაკი სანაძე.

**მუხლი 5. მხარეთა უფლება-მოვალეობები**

- 5.1.1. შემსყიდველს უფლება აქვს: მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების შესრულება.
- 5.1.2. შემსყიდველი ვალდებულია:
  - ა) გაეცნოს და შეასრულოს **GE დომენის რეგისტრაციის წესები და პირობები** ([www.nic.net.ge](http://www.nic.net.ge));
  - ბ) ყოველწლიურად, დროულად მოახდინოს მომსახურების ღირებულების გადახდა ხელშეკრულების მეოთხე მუხლში დადგენილი ოდენობით და წესის შესაბამისად;
  - გ) მიაწოდოს მიმწოდებელს სარეგისტრაციო ინფორმაციის განსახლებლად აუცილებელი ინფორმაცია ([www.nic.net.ge](http://www.nic.net.ge));

### 5.2.1. მიმწოდებელს უფლება აქვს:

მოსთხოვოს შემსყიდველს წინამდებარე ხელშეკრულებით ნაკისრი ვალდებულებების შესრულება.

### 5.2.2. მიმწოდებელი ვალდებულია:

- ა) გაუწიოს შემსყიდველს კონსულტაცია დომენური სახელის რეგისტრაციის პროცედურის შესახებ;
- ბ) განახორციელოს დომენური სახელის რეგისტრაცია ან რეგისტრაციის გაგრძელება **GE დომენის რეგისტრაციის წესებისა და პირობების** დაცვით ([www.nic.net.ge](http://www.nic.net.ge));
- გ) უზრუნველყოს შემსყიდველის მიერ მოწოდებული სარეგისტრაციო მონაცემებისა და ინფორმაციის დროული განახლება.

## მუხლი 6. მხარეთა ურთიერთვალდებულებები და პასუხისმგებლობა

- 6.1. შემსყიდველი უფლებამოსილია ჩაატაროს მომსახურების შემოწმება/კონტროლი. თუ აღმოჩნდება უხარისხო (წუნდებული) მომსახურება შემსყიდველი უფლებამოსილია წარუდგინოს მიმწოდებელს დასაბუთებული "წუნდების აქტი", რის შემდეგ მიმწოდებელი ვალდებულია 3 დღის განმავლობაში გამოასწოროს წუნდების აქტში მითითებული ხარვეზები;
- 6.2. შემსყიდველის მხრიდან მომსახურება მიღებულად ითვლება, თუ არაა წარდგენილი ამ ხელშეკრულების 6.1. მუხლით განსაზღვრული წუნდების აქტი.

## მუხლი 7. ხელშეკრულების მოქმედების შეწყვეტის საფუძველები

- 7.1. ხელშეკრულების შეწყვეტის საფუძველია:
  - 7.1.1. მხარეთა შეთანხმება;
  - 7.1.2. წინამდებარე ხელშეკრულების 2.1. მუხლით დაწესებული ვადის გასვლა ან/და შესაბამისად მუხლი 2.3.-ში აღნიშნული თარიღის დადგომა (იმ შემთხვევაში თუ ხელშეკრულების მოქმედების ვადა ავტომატურად არ არის გაგრძელებული).
  - 7.1.3. კანონით გათვალისწინებული სხვა საფუძველები.
- 7.2.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, რის შესახებაც წერილობით ატყობინებს მეორე მხარეს სულ ცოტა (30 კალენდარული დღით) ადრე;
- 7.2.1.2. ხელშეკრულება ვადამდე შემსყიდველის ინიციატივით წყდება, თუ:
  - ა) მიმწოდებელი ჯეროვნად ვერ ასრულებს მასზე დაკისრებულ მოვალეობებს;
  - ბ) არღვევს წინამდებარე ხელშეკრულებით დადგენილ სამართალმდგომარეობებს.
  - გ) კანონმდებლობით გათვალისწინებულ სხვა შემთხვევებში.
- 7.2.1.3. ხელშეკრულება ვადამდე შემსრულებლის ინიციატივით წყდება:
  - ა) შემსყიდველის მხრიდან წინამდებარე ხელშეკრულებით გათვალისწინებული პირობების შეუსრულებლობის შემთხვევაში.

## მუხლი 8. სადავო საკითხების გადაწყვეტა

- 8.1. მხარეთა შორის ყველა დავა გადაწყდება ურთიერთმოლაპარაკების გზით. მხარეთა მიერ ოცდაათი (30) კალენდარული დღის განმავლობაში თანხმობის მიუღწევლობის შემთხვევაში, საქმე გადაეცემა სასამართლოს. წინამდებარე ხელშეკრულებაზე ვრცელდება საქართველოში მოქმედი კანონმდებლობის ნორმები.

## მუხლი 9. ფორს მაჟორი

- 9.1. მხარეები თავისუფლდებიან პასუხისმგებლობისაგან აღნიშნული ხელშეკრულებით გათვალისწინებული ვალდებულებების ნაწილობრივ ან მთლიანად შეუსრულებაზე, თუ ეს გამოწვეულია გაფიცვების, ომის, წყალდიდობის, ხანძრის და სხვა სტიქიური მოვლენების შედეგად

## მუხლი 10. ხელშეკრულების სხვა პირობები

- 10.1. ხელშეკრულება შედგენილია ქართულ ენაზე - 2 (ორ) ეგზემპლარად და ინახება მხარეებთან. თითოეულ მხარეს მიეცემა ხელშეკრულების თითო ეგზემპლარი.
- 10.2. წინამდებარე ხელშეკრულების რომელიმე მუხლის (ან მისი ნაწილის) ბათილობა არ გამოიწვევს მთლიანად ხელშეკრულების ბათილობას.
- 10.3. საკითხები, რომლებიც წარმოშობიან წინამდებარე ხელშეკრულების მხარეებს შორის და რომელთა რეგულირებაც არ არის მოცემული ხელშეკრულებაში, გადაწყდება საქართველოს მოქმედი კანონმდებლობის საფუძველზე.


- 10.4. ხელშეკრულების მუხლებს წანამდგრებული აქვს სათაურები ხელშეკრულების ტექსტით სარგებლობის გასაადვილებლად და ეს სათაურები არ მიიჩნევა ამ ხელშეკრულების რომელიმე დებულების განმსაზღვრელად, შემცვლელად ან განმმარტებლად.
- 10.5. ხელშეკრულება არ შეიცავს რაიმე დამატებით სიტყვიერ შეთანხმებას.
- 10.6. მხარეებმა წავიკითხეთ წინამდებარე ხელშეკრულება, იგი ზუსტად გამოხატავს ჩვენს ნებას და მოვაწერეთ მას ხელი.

**მხარეთა რეკვიზიტები და ხელმოწერები**

შემსყიდველი:

შპს „საქართველოს ლატარიის კომპანია“  
 საიდენტიფიკაციო კოდი: 204568208  
 მისამართი: ქ. თბილისი, ჭავჭავაძის გამზ. 34  
 ტელეფონი: +(995 32) 649649  
 საბანკო რეკვიზიტები: სს „ლიბერთი ბანკი“  
 ა/აGE28LB0113121375356003, ბანკის კოდი: LBRTGE22

ლევან ჩიკვაიძე  
 გენერალური დირექტორი



მიმწოდებელი:

შპს „კავკასუს ონლაინი“  
 საიდენტიფიკაციო კოდი: 211380833  
 მისამართი: ქ. თბილისი, ვაჟა ფშაველას გამზ. 71  
 ტელეფონი: 2970037  
 საბანკო რეკვიზიტები: სს „თიბისი ბანკი“  
 ა/აGE59TB0600000100467052, ბანკის კოდი: TBCBGE22

ლიანა მუსერიძე  
 დირექტორის მინდობილი პირი



Financial Department  
 Caucasus Online LLC